

Bibël për fëmijët paraqet



Ruthi - Një Histori Dashurie



Shkruar nga: Edward Hughes
Ilustruar nga: Janie Forest
Adaptuar nga: Lyn Doerksen
Alastair P.

Përkthyer nga: Arianit & Valbona Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

Nëse ti mund të takoje stër-stër-gjyshërit e tu
dhe gjithë njerëzit që ishin para teje në familjen
tënde, ti mund të befasoheje se ç' lloj njerëzish
ishin ata. Në Bibël një nga
parardhësit njerëzor të Jezusit
ishite Ruthi - një grua Moabite, që
fillimisht adhuronte idhujt.



Historia e Ruthit, fillon në Izrael pas kohës së Samsonit, kur njerëzit e Perëndisë nuk i besonin dhe as bindeshin Perëndisë. Një zi e tmerrshme buke goditi vendin. A e dini ju se çfarë është një zi buke? Po ashtu është! Zia e bukës është kur as frutat e as drithi nuk rriten, dhe kur kashët dhe disa herë edhe njerëzit vdesin nga uria.




3

Një burrë, i quajtur Elimelek, u largua nga Bethlehemi me gruan dhe dy djemtë e tij, për të gjetur ushqim. Ai shkoi në Moab, një vend ku njerëzit adhuronin idhujt.



4

Gjërat nuk shkuan mirë për Elimelekun dhe familjen e tij në Moab. Ai vdiq; po ashtu edhe të dy bijtë e tij.



Naomi, gruaja e tij mbeti vetëm me dy nuset e djemve të saj, Ruthin dhe Orfan, që ishin Moabite.

5

Naomi, tashmë e ve, dëgjoi se Perëndia kishte vizituar popullin e Tij, duke i dhënë atyre ushqim. Ajo vendosi të kthehej në vendin e saj të lindjes. Po çfarë do të bënin nuset e djemve? Naomi i këshilloi ato të qëndronin në Moab dhe të martoheshin përsëri.



6

Orfa u kthye tek familja e saj, por Ruthi vendosi të qëndrojë me Naomin dhe premtoi nëpërmjet një poeme të bukur, që nuk do ta linte asnjëherë vjehrrën e saj.




7


Miqtë e vjetër të Naomit u gëzuan që ajo u kthye sërish në Bethlehem. Por, ajo u kërkoi atyre ta quajnë "Mara" (e hidhur), në vend të Naomi (e pëlqyshme), "sepse i Gjithpushtetshmi më ka trajtuar me hidhësi". Naomi, nuk kishte asgjë me vete - përveç Ruthit.




8



Megjithëse Ruthi kishte adhuruar idhujt si shumë njerëz të tjerë në Moab, ajo iu largua idhujve, për të adhuruar Perëndinë e gjallë të Izraelit. Ruthi punoi vëndçe, që Naomi të kishte ushqim mjaftueshëm. Çdo ditë ajo shkante pas korrësve në fushë dhe mblidhte çfarë mbetej pas.



9



Boazi, pronari i tokës, dëgjoji sa mirë Ruthi kujdesej për vjehrrën e saj. Kur ai takoi Ruthin, e ndihmoi duke urdhëruar korrësit e tij të linin prapa ca grurë për të. Boazi, filloi ta pëlqejë Ruthin.

10




Kur Ruthi i tregoi Naomit rreth Boazit dhe mirësisë së tij, gruaja e vjetër lavdëroi Perëndinë. "Ky burrë është një i afërmi ynë, një nga fisi ynë i afërt".

11




Ndërsa koha kalonte, Boazi donte të martohej me Ruthin dhe të kujdesej për Naomin dhe gjithçka që i përkiste asaj. Por një kushëri më i afërt e kishte radhën e pari. Ky njeri donte tokën, por nuk donte Ruthin për nuse. Sipas ligjit të tyre, ai nuk mund të kishte njërin pa tjetrën.



12

Në ato ditë, njerëzit nuk shtrëngonin duart kur bënin një marrëveshje rreth një prone, por hiqnin sandalen dhe ia jepnin tjetrit. Pasi Boazi mori sandalen, puna ishte vënë në vijë. Toka do ti kthehej sërish Naomit dhe Ruthi do të bëhej nusja e tij.



Tani Ruthi, Naomi dhe Boazi u bënë një familje.


13



Boazi dhe Ruthi e quajtën çunin e tyre të parë, Obed. Më vonë ai u bë gjyshi i Davidit, Mbretit të madh të Izraelit.

14

Por, në mënyrë edhe më të mrekullueshme, fëmija Obed ishte parardhësi i Zotit Jezus Krisht. Jezusi, erdhi nëpërmjet linjës së familjes së Davidit për tu bërë Mbreti i mbretërve dhe Shpëtimtari i botës.



15

Ruthi - Një Histori Dashurie


Një tregim nga Fjala e Perëndisë, Bibla

e marrë nga

Ruthit

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

16



16



60

17

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

18